大

學

辨

業

台 未 允 塨 何乃 確格如 世講學諸 學六藝之學 學習實 纫 私, 至是 乙亥春 業 怪 從先孝怒受學 1. 同尊聖道尚有 1. 張武承斯斯弗坦 張 序 史記殷本 學粹能序 功 儒則宗晦庵 道 (其功具: 在善 先生言大學 紀手格之格身親其事也 明 至 於 浙 親 <u>二</u>人 射行 相 赐 愐 有裴君子節 之 桐 1 明者論格物各堅壁壘賢 非言學習實事如 其他 鄉錢生為 得其指歸者自當心理 格物為近 爲 主迄 遂構訟甚至操戈 忽解大學

者日跳跳周道在往北京而其途中之束装驅乘則行學樂之類也不言者以當時學中成法俱在故如今指 學中之物格即可如程朱訓為至即學也格物致知為學八自力之不必指也因舉似錢生錢生斂手稱是自削其八自即踧問道在往刊了了工 致與誠意以至天下平是一是一返過之六經語孟思思 據而 因思學記日大學之教也時教必有正業介格物 學之正業失正業失則明親之功不實明親之功不 向未之見及也乃告王子草堂復語李甯一

フルコショ

盈 因 敢憑 繼之又分岐途迄於今泉論雜陳譬之東閣議事甲 莫前皇焉深愧何能辨析學術 廷中理自具然後徐徐 之 往 何 餘佛老交訂二三鉅儒 雕 聖之 弱雖少承庭訓以及先生長者之教知求聖道 經卽各以其所得力者為言故岐而不合而 一己私 非小也獨 道 愚柔不敢自 無以承而斯世 臆 遍 是先儒當日崫然臺起皆各有所得 一考諸經以爲準的 外 然得以考其一 非若爭勝門戸者 力求墜緒 不獲觀儒 加以辭說然而五代 H 而或此種彼蹄 者中和位育之 歸 聖學明晦 此 況今所持 諒 先儒 明

|  |  | 熙三十七年戊寅四月戊申蠡吾後學李塨 | 於學者固不憚訂摧以從事也是以妄具論作亦必忻然相商以期明行大道而天下後 | 大學辨業「 |
|--|--|-------------------|------------------------------------|-------|
|  |  | <b>西</b>          | 造人,是以妄具論以相質焉康之道而天下後世之誠有志           |       |

例 先生阮亭王 顔習 源 吳匪恭先 推習齋先 例 也 濟先 詳 兩 是 見諸名公傳表 編 フューギョ 生當羣 從 與 本之孝怒先生家學孝怒先生 八果亭先 一先 延先生至京邸閱是獨而韙之厥後果 而受之遂 功不去口 **颛庵王先生皆深許** 儒 生 割裂之後獨 例 八和略及 廣 修出清俸付梓有功 祈 抉 之孝慤文集<sub>1</sub> 剔 得周孔 使聖學 可匪巷 瞢 如 内 躬行實踐成 聖道偉矣 日月重光 固 先生 卓然 是編

循 欣 劉 禮 見田書 四字 靜 編 爲 從 庵 朱 遍 學 数 顏 劉 質 門書 生 出出 彭 雪 翁 括先生之學最得是獨 昌 **習** 齊先生 習禮 與先生交 萝 胡 章 遊 类 朏 明 1書 流 浙 又得 旦重 如 見律 崑 爲 費 巳 而 與趙錫 明各有 孝 繩 週 此 從王 孔 從毛 度 愗 呂 钃肵論 以 東 喬 先生立 五公先 之習 河右 校 及水 百 和 塘 訂 馮 領 傳 先 共 火 射 襘 其 草 而言 生 勷 郭 生 生問韜 田 子固 尾 堂 賦 學 樂 道 射 以 閻 鈐 背 主 刨 御 因 皆 御

致 昭 是獨在後儒中爲創論置先聖之門則爲習言故歷考 用 事上帝之什日三復焉每日所行置贈以考得失外 而 業意有不盡者入之學規學規意有不盡者入之 指陳肯綮諄諄然而無費辭無噍音蓋先生不得 共知之 如 生 較黑白也學者實從此問塗是編乃非虛設所著廖忘編學政閱史都視指學古經世事若 內而立體戒懼慎 者勿徒作書 爲 册 以見聖學本如是非臆說也有心目 觀 绸 此問塗是獨乃非虛設 之功夢寐不忘於

**書纂他人說爲己之失** 볜 殥 矣是編無是 著書務成己說驅古就我雖名儒不免焉卽此心已不 有言非 學明則諸經皆可明先生有學易學書學詩學春 半屬成 内議 編皆洗 以子隆官姓大蓮寅虎將入小學念朱考亭所 向 口 論凡古今人已有者直錄其名氏并無近今 大學辨 (事不切幼童乃纂小學一書自八嵗後迄 ·者歷悉爲譜真可補小學之 剔論言倡明聖道宜繼是編 也 業 J B 一缺而立大學之 領
取 秋學

|        |   |    | ,      |                 | 基矣                |
|--------|---|----|--------|-----------------|-------------------|
| \big   |   |    |        |                 | 有志者               |
| て早年を凡例 |   |    |        |                 | 基矣有志者循序而入學明道與人材輩出 |
| 凡例     |   |    |        |                 | 入學明               |
|        |   |    | 門人随    | 弟               | 道與一               |
| }<br>} | , | 高捷 | 門人陳兆與仝 | 培               | 八材電山              |
|        |   |    | 工頓首識   |                 |                   |
|        |   |    | 蔵      | ;<br> <br> <br> | 将在彈指焉             |

卷三 卷二 學 卷 論小**學** 大學之道王致知在格物大學原文一篇 全篇解 辨 木亂至 後儒 記至此謂 鎌 格物 此 解 目知 皆物 鎌之以格 辨後儒唆易大學原本辨後儒所論小學大學 至也解(修身為) 解 本王 解至 在登 丙是

| 大學辨業目錄終 |  |  | 申解全篇 | 所謂誠其意者至未解 | 卷四 | 申論格物 | フ呉男弟 |
|---------|--|--|------|-----------|----|------|------|
|         |  |  |      |           |    |      |      |

釋 此 弟 定 邚 凯 字之或子之 治 子於 篇 子 埋 國 財 未 調 國 亦 師 字 推 之 天 釋 育 如 一之他國亦 下萬 大學不必 實 氏 犡 學 而 |則子 合一 門 庠 然 爲 枈 則 世 國 也 通 之 所成乎且孟子七篇 灩 題 , Liv 作 天下 定督子作 至 穪 器 如是無異道也故治不 亦止一 德不孤 也是 爾三 目 者國之 固 編 有 乃奥 引 以一 斯文尚在不意老年 載 漸 前 積 曾 推 引會 子內 聞 也 予說合一也大 而 此國 先 愈 於 師 明論 顔 則 淵或名 僚 白進 吳太 如 亦一引豈 人而 此 用 後

不程 剽 也 此 山格物解ア 道 朱 得 者所能道也總以救靜坐觀空泛濫誦讀之弊其物解及學規纂與人論學皆躬行心得之言非耳不仍遵古本矣語云九變復貫知言之選恕谷之改實大學后乃至有十餘家學者將安所適從勢 之 道 而衍釋之敬聞知已 寬事 升 而 何 降在 扶 定 原 鉅 微學又 於 也今有習為顏先生特倡 同 人材人 學 荷有二則稅 弟 何 閥若豫百詩甫 材之盛衰在學 疑 焉 同學 觀空泛濫誦讀之弊其足 而 弟 爲 百 識 德 清胡 裄 明晦嗚 (學恕 亦何 渭謹 谷先生 呼 學

E

一敬 歽 至 是論 安請 學 **頓首拜** 黻 地 著 恕 請 學 習 谷 學書禮樂射數以及水火諸學幾一旬乃去湯陰大學辨業及學規一帙真鑄人之范而指道之車谷齋見其兄弟怡怡上下得所太和在庭除間及 鬼 一篇皆言大學之道 思大學中安有察印目是然不者又言直截恐神舟車龍蠖皆欲窮其所以然不者又言直截 古大學 及 顏 先 地鬼 Ļ 生 廬 聖道 11.1 更 神之 請 教通 所以 脢 恕谷先生亦至 柩 然且直 復 明為之起 截頓悟 舞 喜 乎 全里 不 豈 自 皆 心 因 閱 頓 踵 此

ŗ

平乎尚或未析乎勿以門戸而不返孔故道如夜復旦一何快也凡有心 所 言格物者均無當也因謹 誌之不忘今讀辨業學規一 頓首 失傳外矣自有朱及明諸先儒輩出閘 望焉武 林同學弟王復禮 頓首拜 門察 而格 然言之不一 初剛主大兄告 學 劷 學此 物 指歸莫定如格物 Ni 字諸 子日格至 已乃 儒粉粉聚訟 恍然大悟 也 ù 學習之 勿以思 具 致知為 者試 知虚言 [迄無成設] 揚發 調料 柔 觀 格 大學之 明 也 而自 此論 物 物 可 削 尚

弟 學 講 異 但 李 學 使 · 不及聖人 |改非豪傑之士熟能為之子當版朱後儒者講性命||子是編辯而不爭故而非鑿不附程朱陸王直傳孔| 而 郷 辨之 維 聖 學耶 敞方 坤拜 使英奇束手不 **淺鮮矣吾不禁爲世道人心幸焉戊寅暮春日會** 極 人之 著字宙 識 大學 幅以隘其才佔 其椭言之 光 辨柴 經綸且遠出 然 知其 燥若 就能爲之子嘗慨朱後 能 題 極其切引之極其詳證之極 有爲 有 於 列星實而宜行確 畢原坐 大 奸宄 漢唐名臣建立之下以為 學之道有未識而體用不 得 以柔其習自謂有得 以自态而 ൬ ΡĴ 排津 無所忌 其 粱 明 聖 何

**第孔尚任拜題** 自信今讓恕谷先生大學辨業何其先得我心自信今讓恕谷先生大學辨業何其先得我心子自少留意禮樂兵農諸學亦稍稍見之施行 自 源,故 順首 也 然 則是 拜 題 獨所關豈其細哉豈其細哉 北平同學弟王 心數再四 之曲阜同 披敢

而禮樂刑政此物之當格而不可後者也學問思辨一何文定公瑭日儒者之學當務之為急細而言語威儀·是已先愚妄而言之矣 是也今詩書猶十得五六然禮樂不修則學者終無持循 則身可修家可齊矣至宪其本原為性命而緩急先後各卓有所見則物格而知至矣由是而發之以誠主之以正 所謂大學之法故成就人材難何謂大學之法詩書禮樂 學之法所以教人為大學之道後世但有大學之道而無 有次第不可紊也今日理出於心心存則萬理備吾道| 寅九月塨得陸世儀道威思辨錄其 丁县 辛言題報 則云古者有

為生命豈視為无與軟特以性天必俟上達不可躐等耳有明一代儒者如此乃或駁其視性命為後若无與於修鳴呼何見之的也盡先生力躬行不尚浮言故所見高於 以為倒置則孔子之教人文以禮樂不言性天亦倒置為性命豈視為无與歟特以性天必俟上達不可躐等齊之事而專事禮樂等為本末倒置嗚呼先生言物之 略則所 儒先求上達本屬倒置而 學非 極 与労業プー 致也奚事外求 所用所用非所學於古人之道 反以護人 誠所謂悖者以不 治 不免差矣 之道

大學辨業卷 败矣 音代夫古字通用者時或通讀然大學稱大泰學猶 存與此交同 等因之叉書石經唐開成年鄭覃等因之叉書石經今 大學大字漢唐註疏云舊音泰朱子章句云今藬如字 大學禮記四十九篇之第四十二篇也今錄 稱大泰子古聖制度定名傳至今猶然也則不可臆 **七馬辛龙宝 黏吾李裝** 

之言也故疑之而不敢質日葢夫子之言而曾子述之 聖人不能及然以其無他左點且意或出於古昔先民 按大學二程各有移易然尚未分經傳至朱子章句遂 至於傳文或引會子之言而又多與中庸孟子者合則 分聖經賢傳其言日正經辭約而理備言近而指遠 大學載道甚正自是孔門弟子所傳述但千載後未有 王陽明日大學古本朱子疑其有所脫誤而改正補 見文難以鑿定何人耳 知其成於曾子門人之手而于思以授孟子無疑也 乙在某則謂其本無脫誤悉從其舊而已矣傳書 ブ与第 当代

道學者又多用心於性與天道之間名雖可觀實則無 補其可欺者多矣功倍於小學而無用高過於大學而 含而不由其徒從事於記誦辭章者旣不足道而所謂 何文定公瑭儒學管見日大學儒者之正學也或者乃 德於天下 孔 政也 大學註疏陸德明日鄭云大學者以其記博學可以為 **爾涇陽日大學原不分經傳**遺書 羅近溪日大學原是 **類達疏日大學之篇論學成之事能治其國章明其 大事骍能医一** 章書

節而踐小義二十入大學見大節而踐大義白虎通日 謂成童而 賈誼新書容經篇亦有古者年九嵗入小 或古人通用或朝代各異朱晦菴據白虎通爲斷亦可 蹑小節業小道束髮就大學蹑大節業大道之亥尚書 大傳日公卿之世子元士之嫡子年十三人小學見 小節焉束髮而就大學學大藝焉履大節焉註日束髮 無實宜朱子之太息也 八嵗毁齒入學十五入大學諸書入學之年互有不同 戴禮保傅篇日古者年八歲出就外舍學小藝焉 酌其中矣至學之之事則大戴禮與新書大傳之言 フェオラクト

童其能乎且禮樂射御書數聖人所以成德持世也而 但歸之小學乎至謂小學者學其事大學者學小學之 心修己治人八字檃括大學格物等人之大學殊不 對進退之節禮 祀 方背計之事始知宝家長幼之節十五入大學學先 小人大從易入難耳至朱晦菴乃自立 為得其正而班氏食貨志亦曰八歲 間少時教之葢總此道藝之事而程其年力使之從 樂 則爲學之次成童始舞象二十始學禮而俱責之 而 知朝廷君臣之禮周禮樂師教國子小舞鄭註 し見辛き兄 樂射御書數之交入之小學以窮理 入小學學六甲 **競以灑掃應** 思

豈可也哉 將何用乎聖人言交以禮樂非禮不動所以修身皆誤 **概理讀書談道而已誠正修身說此事不入然則禮** 誠正 修叉 說此事不入是進於大學只當如後儒靜坐 語乎夫格物致知以誠正修齊治平正在禮樂之道藝 事之所以然蔡虛齋遂日格致只是窮理非追補其事 齊治平其用耒耜鳑錄以耕耘收穫也今謂治田者 用功非二事也譬之治田道藝其耒耜鎛銚也誠正修 魯論與於詩章朱子集註日按內則十嵗學幼儀十 幼則專習耒耜鎛鋵之事年長則專講耕耘收穫之理 プーララライ

方名也計數也室家長幼之節禮 也則幼學不止學書 書則小學即幼學也然食貨志日八歲入小學學六甲 皆字學也其言曰古者八歲入小學故周官保氏掌養 五方書計之事始知室家長幼之節六甲數日也五方 班氏藝交志載小學十家自史籍以及杜林蒼頡訓纂 序論學之誤矣 學終身所得之難易先後淺深也則亦當自 知其大學 矣乃列次經藝專以書為小學者何也葢內則所記為 學樂誦詩二十學禮則此三者非小學傳授之次乃大 こまずもなっ

班史食貨志日冬民畢入於邑是月餘子亦在於序室 書大傳言自公卿世子至元士嫡子十三嵗皆入小 朱子日王公以下以至庶人之子弟八嵗皆入小學 叉以數學入之律歷故專以書為小學耳 學次序方名六歲已教八歲後六藝之學禮祇學幼儀 白虎通日八歲毀齒入小學而學書計此大子之禮 後以非小學時所能任也惟書數八歲後學之而史 **祇舞勺而射御與禮及樂之舞象舞大夏皆在成童** 入小學十五入大學朱子之言固有徵也 ナ 身 弟 第 発 程願改 几

**載起其刻內** 經一本 是弟不以兄為然也二程之學遞傳以至朱子朱子巳 **增補分別經傳魯齋削去補傳以知止聽訟二段爲釋** 在格物者一句彭山削故治國在齊其家七字豐坊攙 格物致知是徒不以師為然也嗣後虛齊增所謂致知 下遞傳以至魯齊一 王草堂二 本 句世 高攀龍宗崔鉄論改一本 元王柏改一本 た 製 辞 戦 怪 一 |經彙刻日自程明道移易大學而伊川再 葛寅亮攺一本 脈相承源流可考朱子再爲移易 明蔡清改一本 王世貞改一本王草堂二 **雨東豐氏偽政始** 五 季本改

辜遭此割裂歪於此極耶 增補一百二十八言以致後儒效尤粉粉改竄! 文 以先儒 人毛詩何以朱子於孝經刪削二百二十 叉日論語重出者莫敢删去不載束晳補亡者不敢 於改本周禮竟將五官割補冬官妄人作妄可 晦蝕變亂舊章終無底止不得不 綸 疏其板藏於國學非一人 語屺瞻定爲七章弇州後渠另行移易是後儒不 程改經僭妄者因之大易尚書皆被劉削 爲然也何如恪遵原本焉有異同況其書載 フェーラライー 家之書今改本盛行 辨 頻越 怪 牼 可 何

| つる年記名一 | 大學辨業卷一終 |  |  |  |  | 亦已至矣 |
|--------|---------|--|--|--|--|------|
| 17     |         |  |  |  |  |      |

定 其 身欲 這 诚意诚 各先治其國欲治其國者先齊其家欲齊其家者先 III 學之道 學 學 古 事 后 原文一篇 辨業卷 先 能 修其身者先正 有 致其 終 静 佂 而 后 始 靜 學岸炭 期 知所先後則近道矣古之 مياد 知致 明 而后能安安而后能慮慮而后能得物 正心 德在親民在 卷二 夘 在 其心欲正其心者 E 而后身修身修而后 格 物物格 止於至善知止 而后 **蟸吾李**塨 先誠其意欲 知 欲明明德於 郑至 而后有 稿 而 定

視 其不善 修身 其獨 者厚未之有也此謂 其意 謟 毋自欺也 誠 也 於中 所指其嚴乎富 詩云瞻彼淇 小人 前 著其善 其 形於外故君子必慎其獨也會 如惡惡臭如好好色此 僩兮赫兮喧兮有斐君子終不可諠兮 本亂 閒居為 天下 而 人之視己如見其肺 **澳**萊竹猗猗有斐君子如 末治者 潤屋 不善無所不至 知本此謂知之 平自 德 心潤身心廣 否矣其所 之謂自 見君 至也 重 紀體胖 肝 然 謙 者 子 所謂誠其 庶 故君 故君子 則何益 而后 切 人壹是 如硅 而其 厭 如 肵

治

國

治

而

后

馬子

ゴラ

1

明德 其親小人樂其樂而 善民之不能忘也詩云於戲前王不忘君子賢其賢而 赫兮喧兮者威儀也有斐君子終不可諠兮者道盛德 如 雖舊 之盤 嗟 惟 太甲日顧謨天之明命帝典日克 者道學也 民所止詩 邦其命惟 銘 日 荷 日 仁為 學年後送二 而 如琢 不 人臣止 新 如鳥乎詩 云 新 悉蠻黃鳥止 是故君子無所不用其極詩云邦 如磨 利 E 一 於 其利此以沒世不忘也康誥 者自 敬為人子止於孝為人父 新 叉日新康誥日作新民詩 云穆穆文王於緝 修也瑟兮僩兮者 于邱 隅 明峻德皆自 熙敬 知 明 傈

慈典國 **賤惡而辟焉之其所畏敬而辟焉之其所哀矜而辟焉** 不修不可以齊其家所謂治國必先齊其家者其家不可 謂齊其家在修其身者人之其所親愛而辟焉之其 情者 不得盡 所 所好樂則不得其正有所 敖惰 不見聽而不聞食而不知其味此謂修身在 身有所忿懥則不得其正有所恐懼則不得其正 有之日人莫知其子之惡莫知其苗之 而辟焉故好而知其惡惡而知其美者天下 於信子日 其辭大畏 民 聽訟吾猶人也必也使無訟 志 憂患則不得其正心 此謂知本所謂修身 **碩此謂身** 在 鮮

追'旁

也一家仁 亂 保 们民從 赤子心誠求之雖不中不違矣未有學養子而后嫁 而 之桀紂率天下以暴 也弟 藏 從是故君子有諸 詩 教人者無之故君子不出家 如 恦 乎身 國與仁 者所以事長也慈者所以使衆也康誥 此謂一言 桃 學 不恕 辨業卷 天其葉蘩蓁之子於歸宜其家 而 國 一家譲 **價事** 能 人詩云宜兄宜弟宜 喻諸 己 而后求諸 而民從之其所令反其所 人 國 人定國堯舜率天下以 者未之有 與讓一人食戾一 人無 成 教於 諸 兄宜 |故治 己而后 國孝者 國 國 者

倍是 之道詩 國 尹民 ITO 者 教國 后 (具爾 民 以 此之謂民之 右 以 老 法 事 君 人詩 毋 上所惡於前毋以先後所子有絜矩之道也所惡於 老 之 子有絜矩之道 以交於 瞻 樂只君子民之 而民興孝 有 也 云 其儀 國者 此 父母詩云節 謂 左所惡於左毋以 上帝儀監 不太正 治 上長 國 父母民之 在 長 不慎辟 于殷峻命不易道得 是 齊 被 其家 而民 四 所惡於後 南 國 所好好之民 肵 典 則為天下僇 其為父子 一毋以 維 弟 謂 平 使 嚴 此 毋以從前 恤 嚴 之謂 下所 孤 矣 在 赫 而 治

悖 本 寔能容之 惟善以爲寶舅犯日亡 之有技若己有之人之彥聖其心好之不啻若自其若有一个臣斷斷兮無他技其心休休焉其如有容 于常道善則得之不善則失之矣楚書日楚國無以爲 而出者亦悖而入貨悖 末爭民施奪是故財聚則民散財散則民聚是故言 失衆則失國是故 有 之人之彦聖而違之 以能保我子孫黎民尙亦有利哉人之有 此有財有財 學解業後一 此 人無以為實仁親以為寶泰香 而入者亦悖而出康誥曰惟命 有 慎乎德 俾 用德者本也財者末也 通寔不能容以不 此 囚

保 同 所惡 泉 有 食之 大道必忠信以得之 國 先命 惡人之 馬 不仁 此 者寡 謂 黎 八胜 ] 事不終者也未有府庫出者以身發財未有上好仁 也見 者 民 所好是 仁人為 **A是謂拂人之性** 於 殆 雞 能 聚斂之臣甯有盗 豚伐冰之 愛 难 一能退退不 (人能) 仁 2舒則財 失之 惡人見賢而不能 家不畜牛羊 放 流之 財 仁而下不 生財有大道生 非 |进講| 臣此 恆 其財 足 百 矣仁 好義 者 之 者 舉

ヨデニング

何 也 而且備聖 物者 Ħ 此謂國不以利為 之小人之使為國家菑害並至雖有善者亦無如之 利 治 盡不從學中來耶則以未嘗實致力於大學之 在 明大學成己成物之道也古者學中教人之法 大學教人之成法 而后天下平言為其道則有事而學其事則 阴月 工

主

注

賢

相

元 学 岸 後 色 一 物先后 明德 為利也長國家 至慮而后能得明其道也自物有本末 鉅儒皆由此出然當時從政之斗筲 有定序 利以義為利 如禮 而必 而務財用者必自小人矣 由於 樂等是也古人事此 也 學 中學

亦詔之弟亦學之矣而必進以誠意者則以學矣而事事矣此謂知之至也夫學中教人之法禮樂燦然 家治國平天下親民也皆由身而推所謂明明德於天 身為本葢誠意正心修身明明德也皆所以修身也齊 學問精自修密恂慄威儀則明德明矣明德明則民不 下也如此則先后晰矣此謂知本如此則大學格物之 胰 由 形外故君子慎獨以 知以行 至此謂知之至也則承上交先后之序而言以行成己成物之道可一一全也自天子以 實自欺也自欺者不可以欺人誠中者必至 **「誠意要矣果能** 愼 獨以誠意 師

然總根於誠意己之意誠則民之意亦畏之而誠而不 所謂知止而君臣父子以至與國人交各得至善者也 君子用極之道也極者何也即至善也如穆穆文王則 於天下而民何能忘也如康誥太甲帝典則皆言明 知 能忘矣何以不能忘也明德明則必親賢樂利明明 德也如盤銘康誥周詩則言明明德以及於天下也是 有辟 之解不得盡矣此誠意而心廣體胖修身於上者 本者也故修身以及天下遞有先后謂修身在正其 心不在則身不可修也齊家在修其身者身之用 則家不可齊也治國必先齊家者為父子兄弟 こ玉年号を二 明

齊治平故誠正修齊治平必先致其知而致知在格物 至於平天下而大學之道全矣夫不學則無以誠正修 然學而不力乎誠正修齊治平之事何為而在學中數 國 誠意言慎獨正心以修身言心在修身以齊家言用情 不能仁以率民則國不可治也平天下在治其國者於 己交成之學雖已有具而天德王道不可不用其極平 天下言絜矩以迸娟疾聚斂之臣濫格物致知 不辟齊家以治國言為父子兄弟仁以帥民治國以平 不能絜矩而理財用人好惡拂民則天下不可平也 大學之道在明明德在親民在止於至善 以後

**大鸟 非勇免ニ** 

孔 便 民 程 规 孔 所謂可與共學未可與適道者矣故直指其道日 **未克醇成己之仁家國天下未克精成物之知** 覺 孟前周官大學成法 於新字無發明如云親賢樂利如保赤子好民好惡 **愛於民二也在止處於至善之行三也** 什 虓 如 俪 此之謂民之父母皆親字意親民兼教養說新民 日言大學之道在於章明己之光明之德一也在 Ш 此 大學辨業卷二 日親民當作新王陽明日下支治國平天下處 者 俱在但恐徒習其交而身 七 則論 14

赤言 成 於 间 頟 明 近者 不言 是 緼 有 成 明 範 也師 則又 袍 德 袖 法 古 而倘 在 田 圍 有身有襟 不 之禮 單 誤矣譬之言成 法 賦 必許言也觀 親 非成衣之實事也實事則用翦 衣緼 勸省選舉計察之實政可見若不 禮樂治平條言理財用人宜絜矩 耗 民 斁之時徒 在 袍皆成之甚 領 以是學也朱子日大學是 欲 於 修 圓 至 衣 · 演大學一 袖 齊條只言 善 然成 欲 何 住以 便利身 衣 教 識 之道 篇 入情 、學之 欲正 以為 其 綱 實 狂 偏 學教 冹 襟 矩不宜 向之弊 叉衣袍 解 欲 單 臹 齊 箇 實 此 衣 有 在 辟 IJ. 而 加

ヺ

4

極字皆! 貾 也 爽篇格于皇天天壽平格蔡註訓通叉孔叢子 于上下是 致 明 鄭 叉爾 格 德 旐 康成註 須要填實此言得 致 義同搏顏習益謂格物之格如之謂親手習 日 雅 也與中庸致曲之致同格爾雅日至也眞書 同 也親民末也格致始也誠意以至天下平終也 知 格格 也程子朱子於 格 盔 一而后 止 舉 到其域而通之搏之舉之 猶 也郭 白白處 有定者覆 Z 也得 璞註日舉持物也又爾 格物格字皆訓至叉周書 說此於至善之事 謂得事之宜也 諫格 其 到 極

格 則 極 事 國 朱子日 見 墻 者 也 晢 日 间 天 博 也故先王立學教以六德六行六藝皆 M 從 學 物 謂大學中之 而 其事 學 來 至若只到 也 物 學 有本 謂實 然而謂之 聖賢之道 辨 知 部 益 業 日 皆有其物 末之 明徐 走 卷 物 到 建 物者 學: 行 如學禮 物 弹 陽 地 周 先 也 E 境 頭 不 白 知道董 以知 如 上: 禮 則 卽 以誠 禮 即不謂之 學樂類必 明德 日 南 而知 劒人 樂等皆謂之 鼎 正修 則 親 仲 往 肵 在 民 舒 求 建留 齊治平皆 舉 日 於 至 也即意心 見 也 其事造 學 殭 學 物 勉 致 周 須 官 知 學 到 郡

胩 **舍學無由故叉日致知在** Thi 坟 诚意以至治平下皆有覆明之交而致知格物無者 體 誠意正心修身齊家 於所學之物 大學教法 知之功在於格物而格物之事卽在大學作書者 用不實 然不日學 處不到一 身正心誠意者必先致知而致知在學則曉 尚在 故指其 Ę MA 2 2 2 2 1 由淺及深無所不到之謂也 而日格何也學有淺有深皆 處黑最切致知在格物之義 不 道 必言也惟恐時之學者浮游其 日在 治國平天下而欲平天下治 格物今釋其亥日大學之道 明親止善然而明親之道 可謂學 國

學外 古聖又 復 汎 唇論君子學道則愛人小人學道則易使 딲 者詩書八藝之文八藝禮樂射御書數也 日道謂禮樂也弟子行有餘力則以學亥朱子註 有物者 文侯氏 則冥 賏古聖 日不明乎善不誠乎身是欲誠其意者先致其 何必止學 人學辨 寂 非 日博文致知格 何爲立 也皆非聖學也試思士 纖 集 **細則空虛也謂** 卷 學學之外尚有士人格物之功 物 也此數條論學論 學習外復 人 切用之物尚 有 乳安國 顔 格 淵 物 訓 日 博

周禮大司徒以鄉三物教萬民而賓興之一日六德 學更無致知之法也格物非學而何數以經證經 者識其大者不賢者識其小者夫子焉不學也聖門 於學也好古敏求即學也多聞多見所謂友武之道賢 以求之者也多閒擇其善者而從之多見而識之知 次也是致知在格物也葢問思辨皆學中事也困卽 思明辨雖愚必明論語子曰我非生而知之者好古 仁聖義忠和二日六行孝友睦媽任卹三日六藝禮 也好學近乎知或學而知之或困而知之博學審問 **大学 弊 裳 笨一** 昭 敏 团

學校 施 馮 射 行備乎其間 自 應京經世實用 **严世者六行也行之措乎事者六藝也先王時**庠 統 地道日化人道 御書敷 惟五 事御 以理 私歸之乎濟世而已 灛 以 一煩勢 一禮六樂五射五御六書九數之爲孜 考 羣 此 物字正格物之 敬樂以敦愛射以平志 聖 一者德之 一人之所不能已也故先生立 日為故人之參天地者六德也德之 編日學無二事一之乎成德 枝 洪荒剖判三才合同天道 楽德者人之 物 古聖之學也 御 以和 根幹原不偏 心書 保 而已 孜 氏 而 掌 智 級 德

と、おり

大學辨業卷二終 學之誠正修其言甚當然齊治平亦約禮也 禮成於樂非干古之學規數 李中孚四暑返身錄日博文卽大學之格致約禮卽大 寶事皆在六藝藝失則德行俱失孔子日興於詩立於 則不能成其德謂之野有據哉二子之言也夫德行之 亦不獨行水無枝葉則不能豐其根幹謂之瘣人無藝 大學痒妝能二

物 惡 **曉其成敗故云先** 招 孔 鄭 所知是致知在格物矣所見甚是乃爲鄭 致其所知之事言初始必須學習然后乃能有所 深 疏日欲誠其意先致其知者言欲精誠於己意先 在 註 辨業卷三 疏 郑王矣 則來惡物言事緣人 日格來 先致 とと 其 也物猶 すせんべこ 知 何 致其知也夫日必須學習然後 而 事 至 也其知於善深則來善物 於疏 所好來 格物從鄭註 也 蠡 吾李塨 如 此 註 解 註 稿 則 則是 所 齟 乃 拘 知 齬 能 格 須 知 於

或 而 應 成 勝 開 對進退之 勤苦難 能 學卻未當得 發 心也 及乎此 之 以自 聰 道 明進 小學 成 必 鸟 達 一節與夫六藝之教大學不由乎此不由乎此固無以酒羞才房下言 之患 者日 德 以 剪掌 也 是 如之 修業 欲反從事 幼 學先 欲 爲 治 說 何日敬之一字聖學之 而 直 小學 從事於大 焉 致 無以涵養本原 於小學 間 夫 敬字當 一徹 而後大 明新 ·恐其字 學 之 學 功 叉恐其 不免 得 誠 是 贝 幸 小學 於 所 失 程 以成 亦無 序無 夫 發 格 看 灑 始 來 明

謂常惺 算 夘 地 學 者焉 此 是已見 敬字日 小學不能無賴於 也放下這敬不 心 能 觀是數說足見其用力之方矣知用力之方 惺法者焉尹氏則又有所謂其心收斂不容 以整齊嚴肅言之矣至其門人谢 既立由是格 無賴乎 問學 所 於小學否日 玉字写衣二 謂敬者若 由是 此 得 誠意正心以修其身則 物 此以為始知小學賴此以始則 問大學首日 以為終者可 何 致知以盡 然自小學不傳 用 力日程 明德 事物之 子當 以貫之 伊川 卻不會說主 理 以主 氏則又有 一則所 所謂先立 卻 M 是佛 無疑 謂 無 所 適

過小學之時而志於學如已有子弟者灑掃或可不 格 離乎敬也則敬非聖學始終之要也哉太學 已以敬篇恭而天下平也今乃言敬心旣立由是以 所謂 從事大學叉失序答者遂謂小學失以敬字補 斯須去又何問於年少長耶乃問者日從事小學 八大者 誤解小學大學教法其言遂如此 修己以安百姓篤恭而天下平是皆未始 應對進退雖三四十時未聞可廢也況禮樂 而小者 也然即在誠正修齊治平內聖經所 不能奪由是齊家治國以及乎天下 港 敬 為聖學 之 卽

丹弟

当

學首 巳見於小學之言爲然不幾自相矛盾乎 節為傳於大學之首王觀其語錄又疑窮理不可爲大 安古八由小學而進大學其於灑掃應對間持守堅定 學不言敬何也 毛河右有言日朱子以爲格物只是窮理而補窮理 意以至天下平日慎獨日心在日慎德即敬也乃謂 謝氏惺惺法則本之瑞巖和何者也豈聖學 致誠正修齊治平則敬似在明親之前矣是何功歟 末其言日向來之論謂必先致知然后用敬疑若 功必須先涵養而后窮理又補涵養一節於 • 日小學不當敬乃又以大學不言数 歟 小學 自 誠

持守之不足而堅定涵養之不已而純熟是孩提 遂易為 何 聖矣尚需大學之教 功 為主而格物以致知也則東補西補未免太煩況小 爲先便欲 涵 人不更可 而以格司 年灑掃應對何事乃貴之以持守涵養已爲 不傳之以本朱子註 先敬而后格致以小學為涵養為操 熟固已久矣是以大學之序特因小學已成 大學辨業卷 以 致為始今人無小學之功但見大學以 氉 知識求之更不於操存用功未知共以 子夏教門人小子以灑掃 N 塨 日本謂正心誠意也葢小學 謂以先致知而后 存 應 敬 日 異 耐 純 可 矣 疑 蒯

獬 刿 於 息 僛 朱子之言置 養 進退主敬教禮樂射 者置 **青** 叁 先 生 存 幼儀 禪學處古人教 之害意歟 一事 性之育 一做在格 除莫不主 漸 習樂舞皆所以訓之和 半年长公二 進而 卻不之及 敬在致知后則 學編日朱人敬字字面好看 物前又似誠正事在小學已足者豈皆 小學 一敬 灑 故日 掃 大學功候淺深不同有 必俟大學格致后而乃言誠正 御書數卽度 即灑掃主 執事敬故日敬其事 似小學 敬閑其心意然而存 敬教 数音律 以及格致全不 應對 四 和是隱 進 審 如 迟 固 此者 罄 即 應 控 壞 矣 用 今

敬有不貼事言者然即誠正之功不在誠正前 可但不言學習而專言窮理則或流於惝恍或為於 朱子補格物傳日卽凡天下之物莫不因其已知之理 平之物荷非聖人亦祗就其所學格之未能全格也 **而益窮之以求至乎其極** 不窮究未免雜矣故陽明有支離之談也且即修齊 為敬皆身心 面做釋氏實工夫去道遠矣 静坐收攝徐行緩語為主敬乃是以吾儒 乃修齊治平之事也若云即凡天下之物莫 致 加 功無往 一非敬 夫窮理亦學中事未為 中庸言不動而敬 也若將古人成法 也 虚

ナ 呉 茅 ラ

Ŕ

字 須 朱 他 小月當推其如何小子語類日格的 是 體 最 於 仲 **赊**得 好 誠 推 補 之兵求之足民公西華之 个非是 且其 物謂事物 闕 廣 地步自 古 何 文錯 ¥ 所 獨 个 缺 底 物 何謂之心只此 缺於是亦可怪矣 11 156 AF 便也 失者則又格 者 簡 2須窮極事 如言性 何處 若 寬 間 講論文字 茂 底 如 則當 便不行凡 有 曾子三省只管 物之 便是格 物 獨 應 推 不宜 致 樂是 **以知入學之要功也** 小宜有所缺失而重 接 理 其 自 物 到 如 也 盡 何 物 叉日 家 各 身心 如 處 謂 便 格 性 有 物

物 心省身為格物則又力行之功 逹 學之叉日 物則後世交墨之學非古大學之物也應接事物 亦載孔子日弗學何以行可見學與行雖一事而 知天命之事非成童八學事也以讀書講論文字為 歟 行先 確故言有離合如以窮至性天爲格物 邪正皆是 如讀書而求其義 地地 於 1篇行之易日學以聚之又日仁以行 好學力行之分聖人明言之矣故中庸知矣倒矣。或曰子之言學禮學樂非 旁美 也 朱 子亦知格: 處事而求 非格物也以力行 其當接物 物是學文但認 則是 存心察 之中 為 存

叉論 一心修 賢者 格物 為學矣皆與聖經不 演 傳 格 豐 凡言 明 此 业 識其 一蓋學於平日為學行於臨 物日文武之道 身齊家治國平 謂之學至供 學字皆 義 本 聖 學弊業於三 固 處學者 小者莫不有文武之道焉 就 格 物 的 成樣 祭 未隆 會 合 天下 須 以讀書為學則返之而 兼 引證 實 物 考日 於 行 格 相禮乃謂之行後 最 地 窮格 也 物致知學也知也誠 事為行如今贊 在 得 人賢 得 然 即 如 聖 呂氏 人何事不 儒 其 楊 以 禮 氏 所

學立不惡而始知天命令格物致知之後誠意正心修 便 身齊家治國平天下皆下學事也下學尚未盡而欲先 知天命不已逆乎 三十而立則聖人規模已定矣誠 正心修身葢欲先上逹而後下學也至陸王則又以 子孟子飳 正修齊抬平皆能矣而倚建二十年始自信日知天命 上第究大本仍典聖學有 儒身分較聖人之立何如也而動日知天命耶 老之學 有大本不知大本是不曾窮得也若只說大本便 以知性知天爲格物致知存心養性爲誠意 此正朱子異於象 開聖 山陽明者然於事事 人日下學而上達

山東海名三

格者心自主於內也但未格物先求光明此心則已職犯而后格物致知矣。世豈有不用心格物而物卽能與上達不的不惟不可逆學亦斷不能逆學也則上達不的不惟不可逆學亦斷不能逆學也 知 便 達即是下學兩派不同在此不知不先下學所 明 而 学 **辨業** 医三 然後格 物 (則已 於一草一木一昆蟲之微 傎 匕

言自 道不一 之法 了\_ 亦 與他理會過以上 浩 講 各 性天聖人亦 也論 事 道 有 為願能乎毋怪太 陳 可得聞中庸日聖 以為表裏精粗無不到矣然 龍 理 語 一書不格 九事不妨 日中人 而 物 元 古 长子一生为不格則缺了一物 不得遍 明以來更多 則缺了一書道理一 以下不可 八有所不 極 事格九分不可此言得之 朱 四 解集註當時 四 知一草一木中 子一 生 指摘 語上夫子之言性 功力志 聖賢 知 不能 當時 道 矣 也未子乃 初 理 須著 願皆 可見初學 卽 無 朱 不 如 子叉有 批 此 學 與 服 如 此 則 數 陸 JŁ

學 此 朱 如 真元品合載其圖即今太 老 和 集 家参问契水火匠廓| 透 但 樂 日物 意 須莊 理會 射 古人便都從 ء 極 心誠心正 御書 我 於 闹 二元會歸 敬寫實立 致知窮理工 华色 天二 鈲 說遊議王草堂太極 数大綱 極北 一了就 子目 小學中學了所以大來都不 於 切身處理會旋旋去理 都學了及 無 一夫而今白小失了要補 基 極 游 極 三五至精一 本逐事 圖些經無是 太 無 極之野 梴 王長 圖道士 圆辨皆 逐物 圖 大也更不大 後秦僧肇論 理會道 陳摶 隋唐道 也 言無極 費 嬩 理 授 段

可 所 分 御 理會 不先就切身處理會道理便教考究體交制度 (理會 也 全理 補 言動必以禮子賈差等百王德政只在禮 正心誠意者皆何功歟況旣云是切用而又 道理便教者究些禮 又以禮 礼也 一八藝 塡 理何不觀內則為學之序乎且理與事亦 鬥鬥 瀡 也且禮樂俱未理會而意已誠心已正 樂君子不斯須去身未聞自小失之而 是 尹 大學之實事也今云入大學更不甚 合當 樂為非切身事矣辭之游移 考定 理會 的 皆是 交制度叉干自家身己 切 用但不 如此 先就切 樂 矧聖 有 則

夢 適 解著述為窮理事業以嚴然靜坐 賃行之具誰 **蔥 書 叁 存 學** 為居 自誤者也何者窮理居敬四字以文觀之甚美門最得明道教人綱領僕以為此四字正諸先 書為 奔忙 則以 敬工夫舒徐安重 樂閱書以考政事學易以寡過至 放蕩 致 讀書爲窮理功力恍惚道體爲窮 知中之一 楊日朱子稱 者 學 誠 門 事 考究而 謂 且書 一為居敬作用 上蔡 大儒氣篆矣但 亦非徒 (直指第) 迷已 為居敬容貌 也 佔畢讀 視 理 世人之 博學於文則 觀之孔 居 理精 敬 為 之也 實 則 德 所

旋衣 數語本之程子近宗程朱者謂此語內 外該括 流 雖 熟 者 **八藝以及兵農水火天** 微或 無別事矣然實按之皆旁義也考之事為是力 賢恐其未得此綱領也不然豈有居敬窮理之八而 之候是謂窮理此事必操謹慎之心是謂居 八於禪 也日約之以禮葢冠昏喪祭宗廟會同 服飲食莫不有禮也莫非約我者 水之文字之中或索之講論之際大學 朱子格物用力之方或考之事為之著或察之念慮 者哉 卷三 地間燦著者皆文也皆所當學 也此理必造 以及升降周 敬上 格 物 除

講論猶 理 節 求且武說幾件 傳 至善只是 乙念愿是誠意求之文字則或訓詁或雕蟲事矣素 之 H 日 此心純乎天理之 何 鋖 此 郸 格 日講之 大學辨案色三 而 則 、朝朔問至善 此心純乎天理之極便是更於事物上怎生 物所有但正學不的則講非其講 為奉發之宜須求箇是當方是王善所以 功 有學 何 陽 看 盡 朝 明日若只是温凊之節奉養之宜 問思辨之功將不免于毫釐 用得甚學問思辨惟於温凊時 朔日且如事親如何而爲温清之 亦 極奉養時也只要此心 須有從事物上 || 求者陽明| 矣 純 也

水得是當便謂王善 儀文乎學問思辨聖賢明言好古敏求識大識 察通言 本 學習古人成法乃皆擲之而惟日學問思辨 見於事物故大學言明親止善慮而后得卽繼曰物 如陽明言乃分心與事物爲一 得 謬 末事有終始事物豈可不酌量但酌量者原是心 儀節是當亦可謂之至善矣 所以雖 敬止即於君臣父子與國人交見之豈去事 執其兩端用其中於民非從事物酌量乎大 上美 在聖人猶 ラクニ 即如今扮戲子扮得許多温凊奉 加精一 一之訓若只是那些儀 |也中庸日舜好問而 善本於性而性 此 心何 小自 節

也 鹿忠節公善繼四書說約日除了人何處是天除了 矣此所以致宗程朱者如刁蒙吉張武承等之掊擊之 但云今已失且讀書窮理以旋補之至陽明則直抹撥 其儀於何見心然亦誰日儀之徒具而可無心者爨演 則徒扮其儀耳烏可比也程朱未甞沒古聖學習舊 乃言考究禮節烏用學問思辨是何言歟心之具而無 也宋英宗明世宗追奉生父一事兩代盈廷儒士主客 紛 **料終不得當至言天子為大宗則數百年皆作**寫 日温凊奉養之宜可一日二 **大學样於出** 一日講之 而盡何言之易

路 **娶人見箇分曉一行做知得工** 道 成岩會得時只說 知 徐 何處是 夫始有下落陽明日此卻失了古人宗 有知在 是行的主意行是知的工 愛赤會 向北往 不行由於不明道不明由於| 事究是知在行先如問燕京路是問行燕京路 知行合一 使人事之外有天 如何到燕京至燕京行 不知不能行不行不可谓真知故中庸 一箇知已自有行在只說一 前日古人說 一夫知是行之 性 一夫一 不行 則天性爲無用之 熟 郑 則知其路方真 如適燕京者 行做行得 旨也某嘗 始行是知之 做兩 箇行已 夫 理 亦 則

フ馬・労当分に

已有 튄 赐 則可節去正心修身矣 則大學但言格物足矣何必又言誠正修齊治平說行 問格物陽明日格正也正其不正以歸於正也 明叉日惟精爲惟一工夫博交爲約禮工夫皆同此 親信友獲上治民由於明善是也今日說知已有行 則經交當曰誠意即格物致知矣乃日欲誠其意 明 事是也必先問清路然後可行中庸孟子皆言誠 日工夫難處全在 知但言誠正修齊治平足矣何必先言格致 中庸好學近知力行近仁知之一行之一 大學辨樂卷三 格物致知此即誠意之事 明分為 若

本體 言有所忿懥好樂失在有所字非併好善恶惡之意 惡如何能爲善去惡這著實用意便是誠意然不知 分意思便不是廓然太公書 所謂無有作好作惡方是 去之也若如陽明言則舜之好問而好察邇言樂取 叉日爲學工夫有淺深初時若不著實用意去好善 叉日無善無惡心之體有善有惡意之動知善知惡 人以為善君子有惡皆初學所為非聖賢事矣 本體原無 致其知致知在格物何也 此則似禪語矣書言作好作惡失在作字大 メヺララニ 一物一 一向著意去好善惡惡便又多了

學存此天理也不特發見於事爲者方爲文耳餘力學 **文亦只是博學於文中事** 餘力則以學文其說似不相合陽明日詩書六藝皆是 **黄以方日博學於交爲隨事學存此天理然則與行有** 天理之發見文字都包在其中考之詩書六藝皆所以 動而惡者後起之引蔽習染也 且意之有善有惡亦不可併言動而善者意之自然也 反矣以為善去惡爲格物則致知后之誠意爲蛇足矣 無善無不善之說也明與易傳言稱善孟子言性善相 知為善去惡是格物 て善年を見るこ 以無善無惡為心體是告子 以方之問甚有理足正

常存他本來面目耳體段工夫大 陽明日隨物而格是致知之功卽佛氏之常惺惺亦是 吾語比然也 日不特見於事爲者爲文夫見於事爲如孝弟親愛誰 書六藝皆所以學存此天理夫考之詩書豈爲事爲 理則仍是行矣何以孔子分為兩節也乃解日考之詩 是行與學文為兩節若陽明以學文為隨事學存此天 明之說夫事為即行也孔子明日行有餘力則以學文 日為學文乎後儒自是其說遇詰者理難分疏即作 私自利之心所以便有不同耳 ナ学尹弟発三 略 相似但佛氏有 程朱於佛 箇

誠意係如惡惡臭之功非格物事也且所引證物字 同孟子物交物祭統不 NO 同 性之空幻如黑白冰炭焉可冒溷日佛之上截與吾儒 **居之不諱矣夫孟子之存心養性以仁** 耶况 己之物耳目是 月不違仁在非禮勿視聽言動用功與佛氏明心見 明叉有格去物欲之說近宗之者直訓物爲私欲 固有洗脫赤淨者然開 夫格物博文乃聖門下學實事經書確有憑 人佛氏嗟乎陽明何為至此 į. が上している 他个指己之耳目而即謂之私欲 齊 則於物無防物字夫去 邪衛正尚爾 以禮顏子其心 殺然至 1 陽明 欲 謂

定為贓物耶是昭烈之指有酒具者而誅其犯酒禁 不然形色天性豈 乎其失在引蔽一字謂耳目爲聲色所引蔽而 之盜始謂之贓豈人與金玉並未染指而卽坐以盜 至於齊戒所禁之物謂葱韮薤蒜等食及視疾入內 外之 通矣 以爲觸犯齊戒之物故日防其邪物若果以此爲 **欲則君子不齊之時宜於邪物私欲無所防耶** 物聲色是也今指工歌美人而 大 劈 弱 第 淹 先儒指人心為私欲皆誤人心維危謂 私 欲耶猶 人羨人金玉而盗之 即謂 Ż 私欲 邪 始 僻

所 黎立武大學發微日格物卽物有本末之物致知卽 致 之所謂致固有問也 不待學之良知也至於大學致知之功實在格物陽 ||知字||也亦非也人心無||知學而致之知卽致 郑 先後之知葢通量物之本末事之 之知學而知者也如居喪盡禮以孝親孟子日諸 禮吾未之學也而嘗聞焉則必待學者也關之者 不學而知者也如孩提知愛其親不待學也格物 明以致良知為 具年美宝二 王心齋日大 致知宗之者曰二知字一 《學是經世完書奧緊處只在止 終始而爲用功 非也

節 而 知至 也 知在知本耳王陽明刻古· 提在此謂知之至也前而 正事物 格物 學者皆知身爲本家國 至也何嘗謂誠意之先當補窮理觀伊川將以知本為知至知本即格物也格物本末即物致知之義讀書 證人書院示學語日二 物致 知本為格致者 先後 Ħ 正 格 義清 知語為之 去 物 也 至善 《欲至門人王 知知 天下爲末然皆可謂之物 暢 謂 4大學猶不得其旨 四行此謂知本四字正 然 本以淺言之 此又出 心齊然後有 至 庶 ~則今凡 ,四字正 於朱 數 程 聽 物 訟

役 役 平皆言先後有序而後以知本及末應之以完知所 同言后 夘 無訟節由 知之至 之意文義 爲 意皆誠乃謂知本則統言明親之全功也與格 而 為 近道之始事者又有分矣至言通量 、則格物先於知至知至后於格物只是知所 用功先後則自欲明明德於天下以下至天 to a let a train and a second a 句承上 端豈專以格物 本及末乃滿格致之量乃全大學之道 承接自明且觀物格而后知至句與下 |文修身為本而言則格物致知 **致知為 小所先後** |物之本末 耶 自 物

了卻也 其說王魯齊送制知止而后有定至則近道矣於聽 者先在止至善通乎 然格致實有學問之事在不得但以較量本末先 致 為始事誠意以至天下平為由始而終 人也之右 **郑至豈尙不知修身爲本乎故知本知至並** 消亂不然 謂知本於此謂知之至也下以釋格物 大 學 朔 業 卷 修身為本數句為釋格致蓋皆由未明古 心療以爲格物是止至善則日欲親民朋 為格致傳崔後渠高景逸又敗贍彼 不以解知所先後者反紊其先後 Ξ 朱子補格物致知傳學者不 事功次 郑 劃 德

類語也 否矣之事也齊于氏日以身之所施者厚薄云云作 格 孔 以前文之知止至善後文之知本當格致則竟可削去 重 甲牽乙粉粉誣指 謂知本應上文物有本末知所先後也此謂知之至 疏日本亂謂身不修也末治謂國家治也其所厚者 物致知四字矣 格致猶得經文先致其知致知在格物一句語意若 而其所薄者厚赤之有也者此覆說本亂而末治 而疑誠意以下有覆釋之文格物致知獨無遂 こて男子も方言 如此 朱子補格致傳固誤然而鄭 1

訓 此 渱 應 F 盡 朱固嘗言之矣但 物 問 爽 修齊治平 人所可 有 有本末之物乎物 理固亦學中之事也格正事物 格 游移耳若認真實 物 物 后事也 卽 知本也知 格 大學之 **労** 知 而 結 也非奇論 夘 本 夘 學何 所先后之知亦在 聖人學習事物實 止亦必由 末 一也 ・内ァ 有本末之物非大學中之物乎 〈學則諸〉 也日 以 而 獨應 見 格 程 物格 之日請思格物之物 致乃始事故特 朱陸 儒 格 而 Ž 知也但實用 學後世漸 致 說皆可統 后 去物欲則 , 知 至 夘 何乃不言 内也 粘 者 格 播 湹 之

着

在 修身齊家治國平天下也故大學之道在誠意正心修 天下之事如禮樂等藝是也嫺習灣多所以誠意正心 卽 身 而不卽日意心身家國天下者則以其為意心身家皆學也然而有辨也物卽意心身家國天下之物也 知 為之可通若齊家治國平天下之事謂在學內卽 齊家治國平天下而誠意正心修身齊家治國平 為學 知 之 習禮 在學習時也猶言禮 大學辨業卷二 則誠意正心修身齊家治國平天下非學 [功則是學文不可東挪西就耳日 樂時也試思誠意正心修身之事謂在學 在中樂在和而中 專以格物 和不 敷 國

齊治平之事故博文之後又須約禮學問思辨之後一 蓋非學無以誠正修齊治平而不可謂學卽完誠正智明親之事非即為明親之事也故曰學與行二事之不可通矣世有擊妻子臣民以入學者乎是學乃 即 須篤行也若以為學卽誠正修 學辨業卷三教 身乎論語日任而優則學可日治平而優則治平平 到王制云六十不親學可云六十不誠意正心。 則王制云六十不親學可云六十不誠意正心。 行也若以為學卽誠正修齊治平誠正修齊治!

大學辨棠卷四 朱子章句日誠其意者自修之首也 大全黄氏洵 恂慄威儀誠正修也賢親 內之事所以起下言慎獨也 诚意為明親之首故統大學之道釋之學格致也自修 此之謂自謙鄭註曰謙讀為慊朱子章句曰快足於巳 也顏習亝日說文謙敬也言好善惡惡此謂自敬飭於 孔 **疏** 日 所 謂 誠 其 意 者 至 此 謂 知 本 廣 明 誠 意 之 事 大學辨業卷 **儋日切磋言學格物致知也已後講章皆** 四 樂利齊治平也 **螽吾李塨稿** 

尚 書 爲 顏習為大學正誤日賢其賢用前王所培之賢也親 朱子章句日前王不忘言前王能使天下後世 爾 朱子章句日言周國雖舊文王始受天命也 親庇前王 得其所所以旣沒世而人思慕之愈久而不忘 雅 此 明命即天之 孔安國傳 郭 說 璞註 則 所建之 知 **獲也熙光明也敬止言其無不敬而安所** 恂熈日恆戦棟 格致是學乃聖 日 所 親 顧開常目在 也 以與我而我之 邢昺疏曰謂嚴 之禔是也朱子章句 本 訓 所以 非臆 為德者 說 恂 矣 戦 無 也 屯 慄 物

之又愼如上帝臨汝鬼神在旁焉敢不誠 **平也如恶惡臭乃謂誠** 然意欲正修齊治平也如好好色意不欲不正修齊 **遂調聽訟節釋本末然則又以何者釋終始** 陳 心 ル 圳 所 现 **燧文經典稽疑云本末終始原非條件朱子因本字** 民使誠意 **欲為之事日意格致之后意自在正修齊治平矣** 胍 民志不 大吳氏 也 志 得盡其虛辭言在上者惟自 此調 故君子於獨念獨處之際必 仰 本本 謂誠其意也孔疏日 以欺其意乎 肌 誠己意亦 能 愼 治

致知矣尚意在爲惡亦鮮其人即果有其人亦何庸教 亦非也心發而爲喜怒哀樂之情有中節不中節之 **謂臯陶日殺之三舜日肯之三想當然也有感觸感而** 不必盡分善惡也其餘若意見則見解也若意想蘇 之以誠意豈教之以誠其惡意乎又謂心之發念皆意 也此皆宜用正心之功心正則能照能攝雜者一妄者 矣外此又有思則意在爲其事而始思度之又在意 ·威而止也有雜念問事冗緒無所爲善無所爲惡 謂誠意之意有害有惡非也既已入大學而格 偶念偶然念及不必欲為其事且或有不能為 大學 辨業 卷

意也蓋君子誠意誠於爲善去惡之意也小人亦誠意 為惡之意即小人閯居爲不善之意也非致知誠意之 意以爲道又一意日姑勿爲是之謂不誠 誠於為惡去善之意也故亦曰誠於中惟庸人浮學一 也故前以修身為親民之本此又以誠意爲明親之本 學未可與適道者矣故必誠其意而后可正修齊治平 有此意而或作或輟或為苟且或為色莊所謂可與共 大學之事也為善去不善也然未必皆誠也不誠則雖 好好色之意無涉也誠意之意則格物致知后意在為 後非意也是心之發亦多矣皆與大學如惡惡臭如 こを卒号名り

發7 程 該有誠意用誠意之功又侵入正心所謂兩 用 明 有所八句言身滯於忿懥等而不修 也心不在四句言心不正 見於身倒見之交也 子日身有之身當作心齊于氏日忿懥四端皆心之 人謂心統 而見於身者若身有所沾滯則必其心體不正 不清矣若 應 力当 而不修也反覆以明修 解意為統貫明親之意不劃然歟 動 尹 静 就業 撑 叉訓意為心之 羗 1 日慎日正心官立日 **文荷可解經豈輕改者蓋** 則身之 身在 動 正心 則是心之不得 則用正心之功 視 聽 也 华 淵泉日天下 條件者 而

自總 调明 狕 萷 崱 中 1 削 專指靜言故日須 **觀聞無時不存其心** 庸 歟 i 水寒潭 水坦蕩自得 微至 無靜時只一慎獨盡之 戒懼 須臾不可主 分静於動 **慎則不敢欺中庸慎** 見 旦可 即正心而微異正心統動靜中庸其所不 顯無在不敬其事 Ë 幻照 きららし III 乃居敬之效點耳 以主 1/2 **奥致中則該動靜謂不視聞** 也主此必入二氏矣 玩弄無能實用異端 一靜爲功者亦非也何者 也中庸慎獨同此 獨謂慎則不乖 非也中庸其所不 1 若以定 而意 於節致 敝灑落 -也 ] 心之 則 異 覩 聞 此 以 觏 靜 愼 也

獨孟子所謂存心養性 **珍於前也在與則見其倚於衡也即中庸所謂戒懼** 其行禮樂之念也正心養禮樂之源也 格物之於禮樂學也知也修身之於禮樂行也誠意實 朱子章句日辟猶偏也親愛五者本有當然之則然常 人之情惟其所向而不加察焉則必陷於一 日大學 辨業卷匹 也 一偏而身不 愼

孔疏日自所謂平天下以下至篇終覆明平天下先治 威化平天下節絜矩是政事謂平天下之事更多於 其國之事欲平天下先須治國治國事多於平天下 自然故家國如一耳然嫁不用學養子而入官則須學 古不可誤解也 不假强為 未有學養子而後嫁者也朱子章何日此明立教之本 義可了故廣而明之 故云然也及閱孔疏 大學辨集卷四 在識其端而推廣之蓋言孝弟慈本於天良 乃知其誤蓋三代之時天下皆 講章皆言治國節孝弟慈 五.

事以慶讓諸侯而已觀有國者不可以不慎得眾則 天下不平也如桀紂幽厲只是白亂其國未當如後 國 下誠以天下諸侯視天子之國欲求其平必由於治 後則天下為一政教刑罰環海之內秉命一人無國 王畿其平天下之政不過巡狩朝會如修禮同律等 侯分治之天子祇自治其國禮樂政刑與民相 有國者不可以不慎辟則為天下修正言國不治則 此謂國不以利為利以義為利只言治國不言平 平孟子謂天下之本在國亦同此意若紊人郡 虐遍及天下而天下不服奉然傾 畔故國日治天 接 以

フィオラシ

柳 救之亦無如何矣 夘 好惡佛人意矣孔子論中行氏之亡以此此亦一 **達過也為一句言不退或退而不遠遊以過責之也則** 命也為一句言不舉或舉而不速命以位也退而不能 鄭註日命也讀慢也聲之誤 **占大雅鄭康成箋日師泉也** 天下之分亦不必有治平先後之分蓋治安天下之道 同而時勢則異矣至於感化與政事本相通事也 小人使為 誰 日彼君也近解者謂人君以小人為善而善之不 表节与分丁 國家掊克聚斂禍敗交至是時即有善人 顏習色日舉而不能 儀監詩作宜鑒 說

知在格物誠意條為釋前交之首而前無釋文故明親 親之首也惟誠而後可自成矣成物矣所謂忠信以得 意而誠意條獨不言正心在誠其意者何也以其為明 經文義自然可覽而知如格物即是學逐變上文日致 言此謂不天下在治其國可見也 條反覆言治齊修正後先相須之文義不同而結亦不 平故所謂平天下以下專言治國之事與所謂修身三 止善以及知本皆統論之古天子能治其國而天下自 之也故於慎獨以誠意獨致意焉 謂修身在正其心以下皆是推明前交知所先後之 **大學郵業卷** 

| <b>一人人學粹院舒</b> | 大學辨業卷四終 |  |  | 以及末也先後秩然此給物致知者之所有事也 | 通爲言大學之道在善明親誠正修本也齊治平由本 |
|----------------|---------|--|--|---------------------|-----------------------|
| 七              |         |  |  | <b>英知者之所有事也</b>     | w正修本也齊治平由本            |